

Oqaluuserisassanut nassuiaat

(Inatsisartut Siulittaasuat)

Ulloq manna oqaluuserisassanut nassuiaammi paasissutissiissutigineqarsinnaavoq immikkoortut tulluuttut oqaluuserineqarfissaat ullut nutaat tassaammata:

Immikkoortup 29-ip aappassaaneerneqarnissaa oktobarip ulluisa 21-annit novembarip ulluisa sisamaannut pingajussaaneerneqarnissaalu novembarip ulluisa sisamaannit novembarip ulluisa aqqaneq-aappaannut nuunneqarput.

Immikkoortumi pineqarpoq:

Uunga siunnersuut: Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

Immikkoortup 37-ip aappassaaneerneqarnissaa oktobarip ulluisa 23-annit novembarip ulluisa sisamaannut pingajussaaneerneqarnissaalu novembarip ulluisa arferngannit novembarip ulluisa aqqarngannut nuunneqarput.

Immikkoortumi pineqarpoq:

Pigisanik aalaakkaasunik piginnaatitaaffimmik pisisarneq imaluunniit atuisinnaatitaaneq pillugu Inatsisartut inatsisissaattut siunnersuut

Ineqarnermut, Attaveqaasersuutitut Isorliunerusunullu Naalakkersuisoq

Immikkoortup 49-p aappassaaneerneqarnissaa oktobarip ulluisa 23-annit novembarip ulluisa arferngannut nuunneqarpoq.

Immikkoortumi pineqarpoq:

EU-mut ilannguteqqinnerup ajunngitsortarisinnaasai ajoqutigisinnaasaalu qulaajarniarlugit Naalakkersuisut nassuiaammik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Misissuinnermi aamma inatsisinut tunngatillugu ilannguteqqinnermi inissisimanerit soorlu qanoq atugassaartitaalluni Kalaallit Nunaat tamakkiisumik ilaasortanngorsinnaanersoq qulaajarneqassapput. Misissuineq Inatsisartunut 1. januar 2027-mi agguanneqassaaq.

Inatsisartunut ilaasortaq Justus Hansen, Demokraatit

Taasisarnerit pillugit uku akornanni isumaqatigiissuteqartoqarpoq:

Lars Poulsen, Siumut aamma Aki-Matilda Høegh-Dam, Naleraq.